

陳氏  
藏本

張氏醫通

上海廣益書局  
印行

陳氏  
藏本  
張氏醫通卷九

長洲石頑張 璐路玉父纂述

青浦陳蓮舫校正

瘡瘍門

癰疽

腫瘍

潰瘍

作痛不止

作渴不止

作嘔不止

自汗不止

出血不止

下痢不止

肌肉不生

發熱不止

大便

不通

小使不通

用針法

因取靈

瘡

瘡

瘡

癰疽一科自有專擅其術者。以是手輯醫通。獨略此門。然有兼患內證。瘡醫不能措指者。因取靈素金匱明之新甫等數條。列之本門。諸凡治例。未遑遍述。庶免瘡環同類之誦云。

靈樞云。夫血脈營衛。周流不休。上應星宿。下應經數。寒邪客於經絡之中。則血泣。血泣則不通。不通則衛氣歸之。不得復反。故癰腫。寒氣化為熱。熱勝則肉腐。肉腐則為膿。膿不瀉。則爛筋。筋爛則傷骨。骨傷則髓消。不當骨空。不得泄瀉。血枯空虛。則筋骨肌肉不相榮。經脈敗漏。熏於五臟。臟傷則死矣。癰發於嗑中。名曰猛疽。猛疽不治。化為膿。膿不瀉。塞咽半日死。其化為膿者。瀉。則合豕膏冷食。三日而已。發於頸。名曰天疽。其癰大以赤黑。不急治。則熱氣下入淵液。前傷任脈。內熏肝肺。十餘日而死矣。陽留大發。消腦留項。名曰腦爛。其色不樂。項痛如刺。以針煩心者死。發於肩及臑。名曰疵癰。其狀赤黑。急治之。此令人汗出至足。不害五藏。癰發四五日。暹炳之。發於腋下赤堅者。名曰米疽。治之以砭石。欲細而長。疎砭之。塗以豕膏。六日已。勿裏之。其癰堅而不潰者。為馬刀挾癰。急治之。發於胸。名曰井疽。其狀如大豆。三四日起。不早治。下入腹。不治。七日死。發於膺。名曰肝疽。色青。其狀如鼓。實。疏

蘇常苦寒熱。急治之。去其寒熱。半歲死。死後出膿。發於脇。名曰敗疵。敗疵者。女子之病也。灸之。其狀大癰。膿治之。其中乃有生肉。大如赤小豆。刈蔞薺草根各一升。零後連翹根各一升也。以水一斗六升。煮之。竭

為取三升。則強厚衣。坐於釜上。令汗出至足已。發於股脛。名曰股脛疽。其狀不甚變。而癰膿傳骨。不急治。三十日死。發於尻。名曰銳疽。其狀赤堅大。急治之。不治。三十日死。發於股陰。名曰赤疽。不急治。六十日死。在兩股內。不治。十日當死。發於膝。名曰疵癰。其狀大癰。色不變。寒熱如堅石。勿石。石之者死。須其柔乃石之者生。諸癰疽之發於節而相應者。不可治也。發於陽者。百日死。發於陰者。三十日死。發於脛。名曰兔齧。其狀赤至骨。急治之。不治。害人也。發於內踝。名曰走綫。其狀癰也。色不變。數石其輸。而止其寒熱。不死。發於足上下。名曰四淫。其狀大癰。不急治。百日死。發於足傍者。名曰厲癰。其狀不大。初如小指。發急治之。去其黑者。不消。輒益。不治。百日死。發於足指。名曰脫癰。一名脫疽。其狀赤黑。死不治。不赤黑。不死。不哀。急斬之。不則死矣。

營氣稽留於經脉之中。則血泣而不行。不行則衛氣從之。而不通。壅遏而不得行。故熱。大熱不止。熱勝則肉腐。肉腐則為膿。然不能陷。骨髓不為焦枯。五藏不為傷。故名曰癰。熱氣深甚。下陷肌膚。筋骨枯內連五藏。血氣竭。當其癰下筋骨。良肉皆無餘。故命曰疽。疽者。上之皮天以堅。上如牛領之皮。癰者。其皮上薄以澤。此其候也。病有形而不痛者。陽之類也。無形而痛者。陰之類也。無形而痛者。其陽完而陰傷之也。急治其陰。無攻其陽。有形而不痛者。其陰完而陽傷之也。急治其陽。無攻其陰。陰陽俱動。乍有形。乍無形。加以心煩。命曰陰勝其陽。此為不表。不裏。其形不久。身有五部。伏兔一腓二

腓者腓也。背三。五藏之俞。四項五此五部有癰疽者死。喜怒不測。飲食不節。陰氣不足。陽氣有餘。營氣不行。乃發為癰。陰陽不相通。兩熱相持。乃化為膿。其白眼青。黑眼小。是一逆也。內藥而嘔。是二逆也。腹痛渴甚。是三逆也。肩項中不便。是四逆也。音嘶色脫。是五逆也。除此五者為順矣。

**素問云**。高粱之變。足生大丁。受如持虛。汗出見濕。乃生痃痺。營氣不從逆於肉裏。乃生癰腫。氣傷痛。形傷腫。先痛而後腫者。氣傷形也。先腫而後痛者。形傷氣也。

**金匱云**。諸浮數脈。應當發熱。而反洒淅惡寒。若有痛處。當發其癰。師曰。諸癰腫。欲知有膿無膿。以手掩腫上。熱者為有膿。不熱者為無膿。

發熱而脈見浮數。證脈相應也。脈見浮數。而反洒淅惡寒。是火鬱不得發越。若有痛處而飲食如常。必發癰腫之候。腫熱未甚。猶可消散。腫熱已劇。癰膿已成。後世用濕紙貼腫上。候其癰腫之頭。亦不出乎此意。

浸淫瘡。從口流向四支者。可治。從四支流來入口者。不可治。浸淫瘡。黃連粉主之。方缺

**病機要云**。癰癰者。結核是也。或在耳後。或在耳前。或在耳下。連及頤頰。或在項下。連缺盆。皆謂癰。癰或在胸之側。或在兩脇。皆謂之馬刀。手足少陽主之。此本膏粱丹毒火熱之變。因虛勞氣鬱所致。止宜補形氣。調經脈。其瘡當自消。蓋不待汗之下而已也。其不詳脈證。經絡受病之異者。下之先犯病禁經甚。故致失手。且有兼痰兼氣。兼血兼陰虛等證者。病本不同。治當求責。瘡瘍者。火之屬。須分內外以治其本。內之外者。其脈沉實。發熱煩躁。外無焮赤。痛深於內。其邪氣深矣。故疏通藏府以絕其源。外之內者。其脈數。焮腫在外。形證外顯。恐氣極而犯內。故先托裏也。內外之中者。外無焮



惡之氣內亦藏府宣通。知其經當和營衛也。用此三法之後，雖未愈，必無變證，亦可使邪氣峻減而易愈。

**外科精要**云：熱發於皮膚之間，浮腫根小至大，不過二三寸者，為癰。六府積熱，騰出於肌肉之間，其發暴盛，腫皮肉光軟，根腳廣大為癰。五藏風毒積熱，攻焮肉骨，風毒猛暴，初生一如落蕾形，自焦枯觸之應者，乃疽也。夫五善七惡者，動息自甯，飲食知味，一善也；便利調勻，二善也；膿稠腫消不臭，三善也；神采精明，語聲清爽，四善也；體氣平和，五善也。煩躁時嗽，腹痛渴甚，或泄利無度，小便便如淋，一惡也；膿血大泄，腫焮尤甚，膿色敗臭，痛不可近者，二惡也；喘羸短氣，恍惚嗜卧，三惡也；目視不正，黑睛緊小，白睛青赤，腫子上視者，四惡也；肩背不便，四肢沉重，五惡也；飲食不下，服藥而嘔，食不知味，六惡也；聲嘶色敗，脣鼻青，面目四肢浮腫，七惡也。五善見三則瘥，七惡見四則危。然則病有源同七惡者，乃皮緊急而知善也；病有源同五善者，乃皮緩虛而知惡也。是豈凡醫所知哉？

凡人初見發背，欲結未結，赤熱腫痛，先以濕紙覆其上，立視候之。其紙先乾處，即是結癰頭也。取大蒜切成片，如三錢厚薄，安於頭上，用大艾炷灸之。三壯即換一蒜片。痛者灸至不痛，不痛者灸至痛時方佳。最要早覺早灸，為上一日二日十灸，十活；三日四日六七活；五、六日三四活；過七日則不可灸矣。若有十數頭作一處生者，即用大蒜研成膏，作薄餅鋪頭上，聚艾於蒜餅上燒之，亦能活也。若背上初發赤腫一片，中間有一片黃粟米頭子，使用獨蒜切去兩頭，取中間切三錢厚，正安瘡上，著艾灸十四壯，多至四十九壯。此謂癰疽初發，宜灸之也。然諸瘡患久成漏者，常有膿水不絕，其膿不

臍內無反肉尤宜用附子浸透切作大片厚三二分於瘡著灸之仍服內托之藥隔二三日再灸之不五七次自然肌肉長滿矣至有膿水惡物漸漬根深者郭氏用白麵硫黃大蒜三物一處搗爛看瘡大小捻作餅子厚約三分安瘡上用艾灸二十一壯一灸一易灸後四五日方用挺子紐入瘡內反肉盡去好肉長平然後貼收斂之藥內服應病之劑調理即瘥矣蓋不上宜灸於瘡之始發也惟發於頭腦者皆不可灸頭為諸陽之會灸之反助其火毒耳

腫瘍薛立齋曰腫瘍者以瘡瘍未潰而言也經云形傷痛氣傷腫又云營氣不從逆於肉裏乃生癰腫皆因膏粱厚味七情陰火或炙博甘美積毒氣血不和所致當分其經絡所屬五臟相勝與元稟虧損預為審用攻補調和之劑速令散潰尤當審其勢之腫漫色之赤白與痛有微甚蓋有表裏若腫高焮痛便利調和邪在表也宜表散之腫硬痛深大便秘澇邪在內也宜下之外無拘急內則便利調和者邪在經絡也宜調營衛腫焮大痛或麻木不痛邪氣凝滯也外用隔蒜灸內服活命飲或歸耆飲尤效無問何部分但赤腫者必消若煩躁飲冷焮痛發熱二便不通者火熱內熾也用四味清涼飲或活命飲加大黃尤善若微腫微痛或不痛陽氣虛弱也參耆內托散微點微赤或不赤或惡寒而不作膿或膿熟而不潰者陽氣虛寒也並用千金托裏散如此則未成者自能消已成者自能潰尤當別其屬陰屬陽或半陰半陽而治之若泥於腫瘍禁用辛熱之說不分受證之因兼證之經概行敗毒泛擾諸經誅伐無過以致不能起發或不能潰腐收斂變證莫能枚舉癰疽論云腫瘍內外皆癰宜以托裏表散為主但見腫痛參之脉證虛弱便與兼補氣血無虧可保終吉若腫瘍

之際治失其法必致潰瘍之變證此推內經之微旨而生平之微驗者尤當觸類而長思奚庸贅  
潰瘍○潰瘍者以瘡瘍膿潰而言也膿潰而腫消痛止者為順若膿潰腫痛或發寒熱者氣血虛也  
十全大補湯膿潰欲嘔少食脾胃虛弱也六君子加炮薑手足並冷者脾氣虛寒也六君子加薑桂  
不應急加附子膿潰而仍痛或二便秘澀者熱毒未解也清熱消毒湯熱退而渴不退津液不足也八  
珍加黃耆麥冬山茱萸熱止而小便頻數腎虛也加減八味丸料若熱不止或腫痛反甚虛熱內作  
也保元湯加清心涼血之劑或熱退而肌肉不生者氣血俱虛也十全大補湯瘡色天白或陷下不  
斂寒氣所襲也五味異功散佐以豆豉餅膿血過多煩躁不安乃亡陽也急用獨參湯尤當審其腫  
之軟硬飲食冷熱與膿之稠稀多少肉之赤色青點及瘡口之收斂遲速而投托裏消毒調補之劑  
庶無變證癰疽論云潰瘍內外皆虛宜以托裏補接為主蓋潰瘍之變證由於腫瘍之際治失其宜  
虧損元氣所致治者可不慎歟

作痛不止○瘡瘍作痛當審邪之所在證之所因如寒熱而痛邪在表也人參敗毒散便秘而痛邪  
在裏也清熱消毒湯加白蜜腫焮而痛血凝滯也活命飲作膿而痛者托裏消毒散排膿脹而痛者  
針之膿潰而痛者補之氣虛而痛四君子加歸耆血虛而痛四物湯加參耆大抵形傷痛氣傷腫不  
知此數者徒以乳香沒藥為止痛之方則非所以為法矣仍審五臟相勝相兼之證而治之後倣此  
作嘔不止○丹溪云腫瘍時嘔當作毒氣攻心治之潰瘍時嘔當作陰虛補之此論其常耳如腫赤  
焮痛而嘔者熱毒甚也活命飲作膿而嘔者血氣虛也六君子加歸耆便秘而嘔者熱在藏也清熱

消毒湯。去生地。金銀花。加檳榔木香。寒藥服多而嘔者。胃氣傷也。六君子加桔梗柴胡。有肝氣乘脾而嘔者。有胃虛停痰而嘔者。有鬱結傷脾而嘔者。皆由脾胃虛弱。毒氣蓄聚。治宜調補中氣。則正氣復而邪氣去矣。

出血不止。○瘡口出血。有因五藏相勝。陰陽不調。而血不止者。有因六淫七情之氣不平。而血妄行者。若因肝火內動。四物加山梔丹皮。脾虛鬱滯。歸脾湯。脾肺氣虛。補中益氣湯。氣血俱虛。十全大補湯。腎氣不足。而肝火內動。六味丸。梔子清肝散。加五味。大凡失血過多。而見煩熱發渴等證。勿論其脈不問其證。急用歸參湯以補其氣。經云。血生於氣。苟非參耆歸木甘溫之藥。決不能愈。若發熱脈大者多不治。

肌肉不生。○肌肉乃脾胃所生。收斂皆氣血所主。二者相濟以成者也。若肌肉不生而色赤。血熱也。四物加山梔丹皮。晡熱內熱。血虛也。四君子加歸地丹皮。膿水清稀。氣血虛也。十全大補湯。食少體倦。脾氣虛也。補中益氣湯。煩熱作渴。起居如常者。胃熱也。竹葉黃耆湯。煩熱作渴。小便頻數者。腎虛也。六味丸。肉腐而不潰者。烏金膏。若肉潰而不斂者。六君子湯。外用珍珠散敷之。臭穢脈洪大而作渴。乃真氣虛而邪氣實也。此為難治。大凡瘡瘍久而不愈者。皆元氣不足。或因邪氣凝滯於患處。苟能調補脾胃。則元氣自足。元氣既足。則邪氣自消。死肉自潰。新肉自生。而瘡自斂矣。若不保其本而概敷生肌之劑。是反助其邪。後更潰爛耳。

發熱不止。○瘡瘍發熱。初患乃毒氣所熾。已成乃肉嫩作膿。已潰乃血氣虧損。不可概行敗毒。以傷



元氣蓋未成者。當分邪之在表在裏。將成者。當分邪之可攻可補。已成者。當分膿之作與未作。膿已成者。當分膿之淺深高漫。膿已潰者。當分痛之止與不止。若作痛而發熱者。活命飲。作膿而發熱者。托裏消毒散。膿出而發熱者。八珍加黃耆。午前發熱者。陽氣虛也。補中益氣湯。發熱作渴。小便頻數者。腎氣虛弱也。加減八味丸。膿血多而熱者。陽無所附也。十全大補湯。日將晡而熱者。氣血虛也。八珍湯。若無寐而熱者。內補黃耆湯。煩躁者。血脫也。當歸補血湯。自汗而熱者。胃氣虛也。四君子湯。惡寒發熱者。肺氣虛也。補中益氣湯。或四君子加黃耆當歸。亦有五藏相勝。夾食夾寒。六淫七情所致者。不能備述。臨證詳之。

大便不通。○瘡瘍大便不通。初起則審所致之因。所見之證。而行內疏外表之法。已潰則分氣血虛實傳變之證。而用托裏滋補之法。不可泛用苦寒疏導之劑。恐復傷真氣。則腫者不能消散成膿。潰者不能生肌收斂。故丹溪云。腫瘍內外皆壅。宜托裏表散為主。潰瘍內外皆虛。宜托裏補接為主。治者審之。

小便不通。○瘡瘍小便不通。其因不一。當分經絡虛實而藥之。若潰而惡寒發熱。氣血虛也。八珍湯。手足並冷。陽氣虛寒也。四君子加炮薑升麻。手足不冷。乃脾氣虛弱也。四君子加升柴半夏。寒熱往來。氣血虛也。十全大補湯。大便了而不了。脾氣虛而下陷也。補中益氣湯。切不可輕用疏導之劑。復傷元氣。致腫者不能復起。發腐潰。潰者不能生肌收斂。須臨證制宜而治。庶無誤矣。作渴不止。○瘡瘍作渴。當分經絡所屬。及血氣虛實而治。若焮痛發熱。便利調和者。邪在表也。清熱

消毒湯。腫痛發熱。大便秘澀者。邪在裏也。涼膈散。厥痛熾盛。邪在經絡也。活命飲。右關脈洪數有力。胃火消燦津液也。竹葉石膏湯。右關脈數無力。胃虛津液短少也。補中益氣湯。飲食失度。胃氣內傷。而亡津液者。參苓白朮散。膿血出多。而氣血虛弱者。八珍湯。加五味。稟腎不足。而津液短少者。加減八味丸。餘當臨證制宜。

自汗不止。○瘡瘍潰後多汗。衛虛元氣外泄。大非所宜。其稟質肥盛者。濕熱外泄。猶無大患。若形槁色枯。胸中多氣。血液衰少者。乃火熱亢極。為害彌甚。故治肥盛之人。潰瘍多汗。則宜托裏消毒散。加減氣虛形盛者。則宜六君子為主。酒客則加麝銜澤瀉之屬。形瘦之人。潰瘍多汗。則宜保元湯。加歸芍。或生料六味。加棗仁。救其津液。庶免火氣內燔。咽燥噎塞。煩擾喘咳之患。大抵潰瘍多汗。一切苦寒傷胃。膩滑奪食。辛熱耗氣之藥。皆當切禁。

下痢不止。○癰疽潰久。瘡口不收。膿水清稀。而見泄利驚瀉。皆為脾氣衰弱之候。理中補中。四柱六柱。二神四神。並可選用。如下痢白沫。此脾氣下陷。補中益氣。加薑桂吳萸木香之類。若見膿血下滯。須詳血色之鮮晦。鮮者則宜連理湯之薑連並進。以和其中。晦者則宜理中湯。稍加桂附。以溫其下。赤白兼下。如瑪瑙色者。亦宜上法。倘數服不應。又當補中益氣。加辛溫之品。兼升舉其陽。若下痢清血。則加茜根烏鰂骨烏梅白芍。苟非夏秋濕熱下注。則黃連厚朴枳殼檳榔澤瀉等藥。皆為戈戟也。數寒涼藥。○瘡瘍數藥。當分陰陽虛實。而用內治之法。不可概數寒涼之藥。若腫痛熱渴。脈滑數有力。其證純陽。宜內服解毒之劑。外敷寒涼之藥。則熱毒自消。瘀滯自散。若似腫非腫。似痛非痛。似赤

非赤似潰非潰。脈洪數無力者。證屬半陰半陽。宜內服助胃托裏。兼行解毒。外敷寒涼藥中。兼辛熱藥一分。則營逆自從。血鬱自散。若微腫微痛。色黯堅硬。肉色如故。久而不潰。脈按之沉細。舉指虛浮者。其證屬陰。宜內服回陽之劑。外敷辛熱之藥。則陰毒自解。陽氣自復。凡陽氣虛寒。不能消散腐潰。或潰而腫不消。口不斂者。必內服溫補藥。外用生附子擦瘡口。則歹肉自去。新肉方生。若陰寒之證。而用寒涼之藥。則腠理閉塞。氣血凝滯。毒氣益深。良肉反死。瘡口不斂。惡證蜂起。不可復救矣。蓋治病必求其本。假如腫痛熱渴。大便祕結者。邪在內也。疏利之。腫焮作痛。寒熱頭疼者。邪在表也。發散之。焮腫痛甚者。邪在經絡也。和解之。漫腫微痛而不潰者。血氣虛弱也。急補托之。色黯微痛而不潰。或潰而不斂者。陽氣虛寒也。溫補之。如是則五臟自和。六腑自調。氣血自生。瘡毒自解矣。

用刀針法○瘡瘍用針。當審經絡表裏之虛實。部分肌肉之厚薄而施之。夫腫高而軟者。發於血脈也。腫硬而堅者。發於肌肉也。肉色不變者。發於骨也。瘡未成者。解散以消其毒。已成者。托裏以速其膿。膿已成者。當驗其生熟淺深而後針之。以指輕按便痛者。膿淺也。重按方痛者。膿深也。按之不起者。膿未成也。按之即起者。膿已成也。若膿初生而即針。則腐潰益深。而不能收斂。若瘡深而針淺。則內潰不出。外血反傷。若瘡淺而針深。則其膿雖出。良肉亦傷。蓋瘡之證。氣血已傷。肌肉已壞。當隨決其毒。不可拘泥人神部分。其膿一出。諸證自退。若膿出反痛。或煩躁嘔逆者。皆胃氣虧損。急宜托裏調補。凡膿已成者。急刺去。以紙捻蘸油。絀瘡內。以膏藥貼之。如瘡反覆未痊。多是厚味七情火動。而然。當審所因而調治。亦有膿清不斂。乃胃氣虛弱之故。又當兼飲食調補之。若小兒患瘡腫。藥中加

漏蘆令母服之乳中藥過免瘡自愈

陳毓仁曰腫瘍初起頂高根活色赤發熱焮腫疼痛日漸高腫者順已成焮腫皮薄光亮飲食如常二便調勻身溫和者順已潰膿稠色鮮不臭腐肉自脫焮腫易消身輕者順潰後膿厚稠黃新肉易生瘡口易斂食飲漸進者順初起頂平根散色黯漫腫不熱不疼身體倦怠者逆已成腫堅色紫不作膿不腐潰口乾多煩躁者逆已潰皮爛肉堅不腐腫仍不消痛仍不減心煩者逆潰後膿水清稀腐肉雖脫新肉不生瘡口如凍色敗臭穢者死○治法初起毋論陰陽表裏知痛不知痛起發不起發但未成膿者俱宜灸之既灸不知痛者再灸之焮赤發熱疼痛有時脈來浮數無便秘者宜藥托之身體拘急脈緊惡寒飲食就暖者邪在表也宜汗之腫硬痛深口乾便秘身熱脈實者毒在裡也宜下之焮痛勢甚煩躁飲冷舌乾口燥者火在上也宜清之腫痛堅硬背如負石惡心乾嘔邪毒在內宜解拔之腫痛日深內膿不出瘰肉室塞瘡口者急開導之軟漫不作膿不腐潰及潰後瘡口散大不生肌肉者陽氣虛也壯脾助胃以溫補之身涼自汗手足並冷六脈虛細使泄陽脫者急溫之遲則不效○西航曰凡癰腫須觀稟賦氣血調治惟微瘡結毒非專方不應但驗病人身上有塊不時掣痛者即為微毒無疑當與三白丹疏滌之元氣虛寒者加味三白丹最妙虛甚不勝三白丹者五寶丹亦能療之腫處用精豬肉貼之若更發熱頭疼或手足顫振筋脈縮急者此復感風寒觸發經中鬱毒也先與萬靈丹三服汗之次用調和血氣之劑俟胃氣稍復然後用三白五寶治之有用三白丹後餘毒未盡者此胃氣不能行其藥力也仍與調和氣血之劑俟能飲食起居更與五寶丹



無不愈者。此因銀粉刮剝。致成結毒。非仍用水銀。不能拔去病根也。用精豬肉貼者。猪為水獸。取其通達腎氣。而無癰痕之患。

診○身重脈緩為濕勝。身熱脈大。心躁時熱。乍來乍去。當逐熱。諸痛眩暈動搖。脈弦宜去風氣。瀉氣滯。乾燥亡津液。脈濇須調氣補血。寒勝則浮。食不得入。便溺多。惡寒脈緊細。應於水中。補火。凡癰疽初起。焮腫赤硬。脈浮數者易治。洪大急疾者難治。弦緊沉細者危。膿成脈洪滑者易治。虛大濇滯者難治。弦小沉濇者不治。已潰膿水未盡。脈緩滑者易治。數盛弦鞭者難治。濇數不調。及虛大者危。膿盡後。脈小弱緩滑者易治。遲濇虛細者難治。反洪盛或弦急者不治。潰久不斂。有肉乾膿。脈緩滑流利者易治。弦細小弱者難治。反數盛急疾。或虛大濇者不治。

雜門

汗 汗出不治 盜汗 頭汗 手足汗 陰汗 半身汗出

經云。陽氣有餘。為身熱無汗。陰氣有餘。為多汗身寒。○飲食飽甚。汗出於胃。驚而奪精。汗出於心。持

重遠行。汗出於腎。疾走恐懼。汗出於肝。搖體勞苦。汗出於脾。○腎病者。寢汗出。憎風。○津脫者。汗大

泄。○汗出偏沮。使人偏枯。○飲酒中風。則為漏風。入房汗出中風。則為內風。

景岳全書曰。汗出一證。有自汗者。有盜汗者。自汗者。漉漉然無時。而動作則益甚。盜汗者。寐中通身

汗出。覺來漸收。諸古法云。自汗者屬陽虛。腠理不固。衛氣之所司也。人以衛氣固。其表衛氣不固。則

表虛自汗。而津液為之發泄也。治宜實表補陽。盜汗者屬陰虛。陰虛者陽必湊之。故陽蒸陰分。則血

熱血熱則液泄而為盜汗也。治宜清火補陰。此其大法。然自汗亦有陰虛盜汗亦多。陽虛者如遇煩勞大熱之類最多。自汗如飲食之火起於胃。勞倦之火起於脾。酒色之火起於腎。皆能令人自汗。若此者非陽盛陰衰而何。又若人之寤寐總由衛氣之出入。衛氣者陽氣也。人於寐時則衛氣入於陰分。此其時非陽虛於表而何。然則陰陽有異。何以辨之。曰但察其有火無火。則或陰或陽自可見矣。蓋火盛而汗出者以火燥陰。陰虛可知也。無火而汗出者以表氣不固。陽虛可知也。知斯二者則汗出之要無餘義矣。○汗由血液本乎陰也。經曰陽之汗以天地之雨名之。其義可知。然汗發於陰而出於陽。此其根本則由陰中之營氣。而其啟閉則由陽中之衛氣。故凡欲疏汗而不知營衛之盛衰欲禁汗而不知索籥之牝牡。吾知其不敗不已也。○汗證有陰陽。陽汗者熱汗也。陰汗者冷汗也。人但知熱能致汗而不知寒亦致汗。所謂寒者非曰外寒。正以陽氣內虛則寒生於中。而陰中無陽。陰中無陽則陰無所主而汗隨氣泄。故凡大驚大恐大懼皆能令人汗出。是皆陽氣頓消真元失守之兆。至其甚者則如病後產後或大吐大瀉失血之後必多有汗出者。是豈非氣去而然乎。故經曰陰勝則身寒。汗出身常清數慄而寒。寒則厥厥則腹滿死。仲景曰極寒反汗出身必冷如冰。是皆陰汗之謂也。故凡治陰汗者但當察氣虛之微甚。微虛者略扶正氣。其汗自收。甚虛者非甘薑桂附速救元氣不可。

自汗雖由衛氣不固。胃中之津液外泄。而實關乎藏府蒸發使然。心之陽不能衛外而為固。則自汗出。包絡之火鬱發也。腎之陰不能退藏於密。則盜汗出。陰火乘虛蒸發也。肺氣衰則表不能衛而自

汗出必喘。乏少氣。胃虛水穀氣脫散者。汗自出。必氣虛少食。○陰虛者。陽必湊。故發熱自汗。當歸六黃湯。陽虛者。陰必乘。故發厥自汗。黃耆建中湯。甚者少加附子。營血不足自汗。黃耆建中加當歸。甚者加熟地。衛外之陽不固。而自汗者。附湯。脾中之陽衰微。而自汗。朮附湯。腎中之陽浮遊。而自汗。參附湯。○身冷自汗。陰躁。欲坐泥水中。脈浮而數。按之如無。經云。脈至而從。按之不鼓。諸陽皆然。此陰盛格陽。真武湯冷服。○肺氣虛者。固其皮毛。玉屏風散。○脾虛者。壯其中氣。補中益氣湯。○心虛者。益其血脈。當歸補血湯。○肝虛者。理其疏泄。逍遙散。○腎虛者。助其封藏。都氣丸。○火氣炎上。胃中之濕。亦能作汗。可用涼膈散。○脾胃不和。外挾風濕。身重汗出。羌活勝濕湯。○風濕相搏。時自汗出。防己黃耆湯。○惡風自汗。桂枝湯。○又有漏風證。一名酒風。不論冬夏。額上常有汗出。此醉後當風所致。經曰。有病身熱懈惰。汗出如浴。惡風少氣。病名酒風。治之以澤瀉朮各十分。麋啣五分。合以三指撮為後飯。又曰。飲酒中風。則為漏風。漏風之狀。多汗。常不可以單衣。食則汗出。甚則身汗喘急。惡風。衣常濡。口乾善渴。不能勞事。先宜五苓散。熱服取汗。後與黃耆建中。加白朮澤瀉。○汗出日久。用參耆朮附等藥不效。汗乾仍熱。此風邪伏於經絡。暫與參蘇飲。病已止服。此反治也。○汗出不止。名曰亡陽。以附子理中加黃耆。外用溫粉撲之。○痰證汗自出。痰消汗自止。二陳加桂枝枳桔香附貝母。○多汗惡風。食則汗出如油。久不治。必成消渴。玉屏風散。少加煨牡蠣。○病餘氣血俱虛。而汗服諸止汗藥不應。用十全大補湯半劑。加熟棗仁五錢。若胸膈煩悶。不能勝陰藥者。生脈散加黃耆二錢。當歸六分。熟棗仁三錢。一服即驗。○別處無汗。獨心胸一片有汗。此思傷心也。其病在心。名曰心

汗歸脾湯倍黃耆或生脈散加當歸棗仁豬心湯煎服

汗出不治證○汗出而喘甚者不治○汗出而脈脫者不治○汗出而身痛甚者不治○汗出髮潤至顛者不治○汗出如油者不治○汗出如珠者不治○汗出如膠膠粘如珠之凝及淋漓如雨揩拭不逮者皆不可治

盜汗○金匱云男子平人脈虛弱微細者喜盜汗出蓋平人脈虛弱微細是衛虛不能鼓其脈氣於外所以不能約束津液當衛氣行陰目瞑之時血氣無以固其表腠理開則汗醒則行陽之氣復散於表則汗止矣名曰盜汗亦名寢汗此屬本虛與傷寒邪在半表不同先與當歸補血湯加炒棗仁半兩數服後與都炁丸調補之酒客睡中多汗此濕熱外蒸也二妙散加白朮防風牡蠣益熱盜汗當歸六黃湯為專藥虛人多加參耆減苓連身熱加地骨皮肝虛加棗仁肝實加龍胆草煩心加竹葉辰砂麥冬脾虛去苓連加白朮芍藥傷寒陽明少陽證盜汗柴胡葛根隨證主治溫熱三陽合病目合則汗白虎湯

頭汗○頭為諸陽之會額上多汗而他處無者濕熱上蒸使然或畜血結於胃口迫其津液上逆所致○畜血頭汗出額頸而還犀角地黄湯○頭汗小便不利而渴不能飲此瘀畜膀胱也挑核承氣湯○胃熱上蒸額汗發黃小水不利者五苓散加茵陳甚則茵陳蒿湯微利之○傷寒脇痛耳聾寒熱口苦頭上汗出刺頸而還屬少陽小柴胡加桂枝苓朮和之凡頭汗服和營衛逐濕豁痰理氣散瘀藥或發寒熱下體得汗者為營衛氣通日漸向愈之機也○食滯中宮熱氣上炎亦令頭汗生料

保和丸倍用薑汁炒川連。病後產後悉屬陽虛誤治必死傷濕額上汗出下之微喘者死下後小便不利者亦死傷寒陰毒等證額汗見緒論

手足汗○脾胃濕蒸傍達於四肢則手足多汗。熱者二陳湯加川連白芍。冷者理中湯加烏梅。弱者十全大補去芎加五味子。

陰汗○陰間有汗屬下焦濕熱。龍膽瀉肝湯加風藥一二味。風能勝濕也。或當歸龍薈丸及二妙散俱效。陰囊濕者以爐甘石煨過撲之。蜜陀僧末亦佳。

半身汗出○夏月止半身出汗皆氣血不充。內挾寒飲所致。偏枯及天之兆也。大劑十全大補人參養營。大建中輩加行經竅痰藥治之。若元氣稍充即間用小續命湯一劑以開發其表。或防已黃耆湯加川烏以散其濕。此證雖屬血虛慎不可用四物陰藥。以其閉滯經絡故也。

石頑曰汗之源不一。有因於衛氣疎者。有因於營氣熱者。有因於營衛不和者。蓋風邪干衛則腠理疎。營氣乘表虛而外泄。則自汗。治當散邪為急。宜從仲景桂枝湯。小建中輩。遲則營氣外亡。邪氣內入。必變府實潮熱矣。又宜三承氣湯選用。此皆外感自汗也。若鬱熱內蒸。亦必從空竅發泄。或從腸胃下奔。或從皮毛外達。則鬱熱得散。然外泄輕於下奔。蒸熱勝於乾熱。以此驗營衛之枯與不枯也。當從內傷虛損例治之。至於邪正交加。非汗不解。故少陽挾熱。或為盜汗。或腋汗脇汗。須知從陰陽交互時及陰陽交互處發泄者。皆陰陽不和。半表半裏證。小柴胡逍遙散皆合劑也。及乎挾風邪痰濕之類。亦多有之。至如頭汗。或為濕熱上攻。或為瘀血內結。亦屬陰陽不和。其於陰汗股汗。又為肝